



JUDICIAL SYSTEM MONITORING PROGRAMME PROGRAMA DE MONITORIZAÇÃO DO SISTEMA JUDICIAL

SUMARIU

Periode : Novembro 2008

Edisi : Novembro 2008

TRIBUNAL OECUSSE HALAO PROSESU JULGAMENTU BA KAZU CRIME

Tribunal Distrik Oe-Cusse iha loron 17/11 halao prosesu julgamentu ba kazu krime 3 ho klasifikasaun nomeru prosesu. 34/P.CO/IX/TDO/2007 (arguidu VO cs) prosesu No. 37/P.CO/IX/TDO/2007 (arguidu NDS cs) no prosesu No. 45/TDO/2008 (GDR). Maibe so kazu 2 deit mak konsege julga no ida seluk tanba arguidu la marka prezensa. Prosesu julgamentu ida ne'e JSMP la monitora maibe asesu deit informasaun husi official Justica iha tribunal refere kona ba lalaok prosesu nian

Iha loron 18/11 adia prosesu julgamentu ida kona ba kazu ofensas corporal ho arguidu FL. Prosesu julgamentu ne'e adia tanba arguidu la marka prezensa ho razaun foin partu semana ida liu ba. Ho sitiasaun nune'e juiz decide atu adia julgamentu to'o fulan Janeiru tinan oin mai.

Alen razaun ne'ebe temi ona iha leten, vitima mos nudar arguidu nia kaben, juiz reforsa katak julgamento presiza adia tanba ba kazu ida ne'e vitima tenki marka prezensa tanba iha surat akuzsaun anexa rezultadu visum no picture vitima ne'ebe indika vitima hetan kanek todan. Tanba nune'e tuir juiz, vitima laos nudar sasin maibe nudar vitima ne'ebe presiza fo deklarasaun iha tribunal.

Iha loron ne'ebe hanesan, tribunal le sentensa ba kazu **ofensas integridade negligence** ho arguidu RR. Ba kazu ida ne'e ministeriu publiku akuza arguidu ho artigu 360 (1) Kode penal aplikavel.

Iha acta desizaun laran, tribunal hamonu sentensa fulan 6 prizaun, maibe suspende ba tinan ida. Alen suspensaun pena ne'e, tribunal mos kondena arguidu hodi selu multa ba vitima ho osan valor \$150 hodi entrega ba vitima

ne'ebe hetan moras no kanek no baixa hospital ho durasaun pagamentu semana ida baseia ba artigu 72 Kode Prosesu Penal.

Tribunal Oecusse iha loron 19 November 08, halao julgamentu ba kazu asalta sexual ho arguidu inisial HN. Akontesementu amoral ida ne'e akontese iha fulan Desembro 2006 iha Sucu (Taiboko, Oe-Cusse). Tuir observasaun JSMP iha Tribunal refere, julgamentu ne'e taka ba publiku tanba kazu ne'e sei iha relasaun ho dignidade/privasidade vitima minoridade (tinan 11 & 13). Informasaun julgamentu ne'ebe JSMP konsege hetan husi advogadu **HN** depois julgamentu katak, durante prosesu julgamentu, arguidu la presta/hato'o deklarasaun ho konsistente tuir deklarasaun ne'ebe uluk nia hatoo iha prosesu investigasaun iha estasaun policial. Nune'e mos depoimentos husi sasin sira (vitima sira nia inan). Iha parte seluk vitima sira mos nonok deit lakohi atu koalia sai wainhira tribunal husu perguntas ba sira. Ho razaun deklarasaun husi arguidu sempre diferensia, portantu parte ministeriu publiku laiha baze legal atu defende vitima sira nia direitu no akuza arguidu bazeia ba artigu 285 Kode Penal aplikavel.

Nune'e mos iha defeza final, advogadu arguidu husu ba tribunal atu liberta total arguidu husi akuzaun tomak tanba provas la forte hodi kondena arguidu.

Hanesan lia fuan ikus ne'ebe hatoo ba tribunal, arguidu deklara katak arguidu ho vitima sira antes julgamentu hahu sira iha konsiliaun ona (dame malu ona). Maibe tribunal rekoinese katak acta konsiliaun ne'ebe sira halo no asina la klaru.

Iha loron 19/11 08, tribunal Oe-Cusse halao prosesu julgamentu ida ba kazu abortu ne'e involve arguidus ho inisial **LL dan ES**. Prosesu julgamentu ida ne'e vitima la marka prezensa tanba mate tiha ona.

Iha akuzasaun deklara katak, iha fulan Marsu 2007 iha Betasi, Taiboko, arguidu **LL** fo tuir ai-moruk tradisional liu husi arguidu **ES** hodi entrega ba vitima **J** atu hemu tuir arguidu **LL** nia hakarak. Intensaun husi arguidu nain rua, atu halo abortu ba embrio iha vitima nia kabun laran ne'ebe fulan 4. Arguidu sira mos sujere ba vitima atu hemu ai-moruk ne'e durante semana tolu nia laran tutuir malu. Depois liu tiha, wainhira vitima besik atu partu, vitima ho embrio sira nia vida labele salva no mate. Iha julgamentu

laran, arguidu ES rejenta total akuzasaun husi ministeriu publiku katak vitima nia mate tanba kauza abortu husi embrio fulan 4.

Responde ba razaun vitima nia mate, arguidu sira hateten katak sira laiha kuinesementu ba kauza ne'e, tanba iha momentu ne'e ES polisia kaptura ona. Arguidu no sasin sira mos lakohi atu hateten katak sira hatene vitima gravida. Sira deklara katak, novidade kona ba vitima gravida sira foin hatene depois vitima mate.

Tuir observasaun JSMP, sasin sira mos la fo depoimentos ne'ebe suficiente no hateten katak sira laiha kuinesementu kona ba kauza abortus ne'e.

Atu hetan informasaun kle'an liu tan kontaktu:

Roberto da Costa Pacheco

Koordenador Peskizador Juridika, JSMP

Enderesu email: bebeto@jsmp.minihub.org

Telephone: 3323883